

Խ. Տ. ձեռագրիչաց

## ՀԱՐԱԿԱՏԱՐ ԴԵՐԲԱՅՈՎ ԿԱԶՄՎԱԾ ԴԱՐՁՎԱԾԻ ՇԱՐԱՀՅՈՒԱԿԱՆ ԿԻՐԱՌՈՒԹՅՈՒՆՆԵՐԸ

Հարակատար դերբայը ցույց է տալիս անցյալում կատարված-ավարտված գործողություն, որը թողել է մնալուն հետևանք: Կատարված գործողության մնալուն հետևանք ցույց տալը հարակատարի դերբայական յուրահատուկ իմաստն է, որից և բխում են նրա գործածության առանձնահատկությունները:

Արդի հայերենում հարակատար դերբայն ունի բազմազան կիրառություններ. նա մասնակցում է բոլոր եղանակային ձևերի կազմությանը՝ բաղադրելով սահմանական եղանակի հարակատար ներկա և հարակատար անցյալ ժամանակները և գործածվում է ինքնուրույնաբար՝ հանդես գալով նախադասության տարբեր անդամների պաշտոններով: Սակայն եղանակային ձևերի կազմությանը հարակատար դերբայը մասնակցում է որոշակի սահմանափակումներով: Արդի հայերենում մի շարք բայերի հարակատար ժամանակները գործածական չեն. հարակատար ժամանակներ չեն կազմում բոլոր ներգործական բայերը, այլ և այն չեզոք բայերը, որոնց ցույց տված գործողությունը չի հատկանշվում հետևանքային մոմենտով (վազել, աճել, քայլել, փչել և այլն): Դործածական չէ գրած եմ, գրած էի կամ վազած եմ, վազած էի, այլ միայն՝ գրված եմ, գրված էի, կամ՝ նստած եմ, նստած էի: Իսկ գոյականաբար կամ ածականաբար գործածվելիս հարակատար դերբայը կիրառական այսպիսի սահմանափակում չունի. այս դեպքում նա կարող է հանդես գալ բայի երեք սեռով էլ, ինչպես՝ աշխարհ տեսած մարդ, գրված գիրք, ֆնած երեխա կամ՝ տեսածը, գրվածը, ֆնածը և այլն: Բայց հարակատար դերբայի անվանական գործածությունը նույնպես զերծ չէ բայի սեռի հետ կապված առանձնահատկություններից (միայն թե այստեղ այդ առանձնահատկություններն այլ կարգի են), որոնց կանգրադառնանք թիչ հետո:

### 1. Հարակատարով կազմված դարձվածն իբրև որոշիչ

Հարակատար դերբայը նախադասության մեջ կարող է կատարել տարբեր պաշտոններ, բայց ամենից հաճախ նա հանդես է գալիս որպես որոշիչ: «Վազում էր հապճեպ՝ անգիտության մեջ դարեւ ֆարացած գյուղերի մոտով» (ԱԽԵ, էջ 113): «Ու անեծք տալով իջնում է նա ցած՝ դատարկ ետ բերած հին կուժը ուսին» (ՀԹԸԵ, էջ 189): «ԵՎ իմ ձեռքով նորից կյանքի կոչված Արան ինձ կրսիրե...» (ՆԶԱԳ, էջ 138): «Անակնկալ պատահարից շփոթված Պետրոսը վեր կացավ տեղից...» (ՄԱ, էջ 172): «Ինչպես որդին կորցրած ծնողը գտնի զավակին...» (ՍԶԸԵ, էջ 280): Երբեմն որպես որոշիչ կարող է ըմբռնվել նաև սեռական հոլովով հարակատար դերբայը, որն արտաբուստ նման է հատկացուցչի, ինչպես՝ «Գութը կորհնեն կոտորածի այս ձորում...» (ՀԹԸԵ, էջ 35): «Ու մինչ

վստահ գյուտ աւածի ուրախութեամբ նա սպասեց, որ Աստղիկը իրեն նայի...» (ԴԴՎ, էջ 528):

Որոշի պաշտոնով այդպես հաճախակի հանդես գալը կապված է հարակատար դերբայի՝ գործողութեան հարատևող արդյունք ցույց տալու հատկանշի հետ: Որոշի պաշտոնով հանդես գալիս հարակատար դերբայը իրենով դրսևորվող գործողութեան այդ հարատևող արդյունքը, հետևանքը վերապրում է այս կամ այն առարկային՝ որպես նրա հատկանիշ (քարացած գյուղեր, ետ բերած կուժ և այլն):

Վերը մենք նշեցինք, որ հարակատար դերբայի անվանական գործածությունն ունի բայի սեռի հետ կապված որոշակի առանձնահատկություններ: Ի՞նչ առանձնահատկություններ են դրանք: Ներգործական բայերից կազմված հարակատար դերբայը հաճախ հանդես է գալիս կրավորական իմաստով, իսկ կրավորական բայերից կազմված հարակատար դերբայը՝ շեղոր իմաստով: Բանն այն է, որ հարակատար դերբայը որպես որոշիչ հանդես է գալիս կամ իր գործողութեան կատարողի, կամ իր գործողութեան օբյեկտի համար, այլ խոսքով՝ հարակատար դերբայ որոշի որոշյալը լինում է կամ դերբայով դրսևորվող գործողութեան կատարողը կամ այդ գործողութեան օբյեկտը: Որոշիչ հարակատար դերբայի սեռն էլ հենց հիմնականում պայմանավորված է նրանով, թե ում համար է նա հանդես գալիս որպես որոշիչ՝ իր գործողութեան կատարողի, թե օբյեկտի: Այսպես, ներգործական բայերից կազմված որոշիչ հարակատար դերբայը ներգործական սեռի իմաստով է ըմբռնվում միայն այնպիսի դեպքերում, երբ դերբայի որոշյալը դերբայի գործողութեան կատարողն է, ինչպես՝ «Եվ ինչ, դեռ երեկ նրանցից մեկին տեսա դատարանում մի բանկ կողոպտած պարոնի պաշտպանելիս» (ՇՆԼԺ, հ. 9, էջ 456): «Ծիշտ է, վախով էին լցված նրա ուսուցիչ տեսած եղնիկի աչքերը» (ԴԴԼՊ, էջ 10): «Իսկ Գյուլնապ աբիրը լռել էր, ինչպես սկեսուրից թափուն փի բան արած հարս» (ՂԱՆ, հ. 2, էջ 248): «...Մթին ամպերը, ղեկը կորցրած նավերի նման տարածվում էին, շիմանալով ուր գնալ» (ՇՆԼԺ, հ. 3, էջ 13): «...Մի խոսքով մոր նման, քվանքի ձենը իր էրեխի վրա լսած մոր նման» (ՀԹԼՆ, էջ 373):

Ներգործական սեռի հարակատար դերբայով կազմված դարձվածք բնականաբար կողմնակի ենթակա ունենալ չի կարող, քանի որ դերբայի գործողութեան կատարողը դարձվածի որոշյալն է (ուսուցիչ տեսած եղնիկի աչքեր՝ տեսնողը աչքերն են և այլն). դրա փոխարեն նա մեծ մասամբ ունենում է իր կողմնակի ուղիղ խնդիրը (բանկ, որսորդ, բան, ղեկը, ձենը):

Իսկ երբ ներգործական բայերից կազմված հարակատար դերբայը որպես որոշիչ հանդես է գալիս իր գործողութեան օբյեկտի համար, ապա նա ունենում է ոչ թե ներգործական, այլ կրավորական սեռի իմաստ, քանի որ ցույց է տալիս իր որոշյալի ոչ թե կատարած, այլ կրած գործողութեան արդյունքի հարատևումը: «Հաջորդ օրը Գարեգինը դիտեց ղեռ պատերազմից առաջ կառուցած սիլոսի աշտարակն ու հորերը» (ՍԽՀ, էջ 207): «Անփույթ նետած ժայպվենի նման ծալմվում էր խճուղին» (ԱՍՔ, էջ 441): «Ես այսքան անարիչ եմ, որ իմ գործած հանցանաց շափով պատիժ կրել չկարողանամ» (ՄԳՄ, էջ 293): «Ինչ որ կարող է խոստանալ շահը, երկրակալ շահը իր սիրած կնկան» (ՀԹԼՆ, էջ 262):

Այս կապակցությամբ պրոֆ. Սևակը գրում է. «Շատ հաճախ հարակատար դերբայն իրեն որոշիչ դրվում է նաև այնպիսի զոյականների վրա, որոնց կա-

տարած գործողության արգյունքը շի ցույց տալիս, այլ որոնք կատարված այդ գործողության արգյունքն են կամ նույնիսկ խնդիրը: Օրինակ՝ երբ ասում ենք նամակ գրած մարդը եկավ, այստեղ գրած դերբայը ցույց է տալիս մարդ առարկայի հատկանիշը, իբրև յուր իսկ կատարած գործողության (նամակ գրելու) հետևանքն իր մեջ պահող, ունեցող առարկայի (մարդը նամակ է գրել, մարդը նամակ գրողն է, մարդը գրած է նամակ), բայց երբ ասում ենք մարդու գրած նամակը, այստեղ գրած դերբայը դրված է ոչ թե իր երբեմնի ենթակայի (մարդու), այլ իր երբեմնի խնդրի՝ նամակի վրա և, իհարկե, ցույց է տալիս ոչ թե նամակի կատարած գործողության արգյունքի հարատևումը, այլ նամակի կրած գործողության արգյունքի հարատևումը, այսինքն՝ կրավորական սեռի իմաստ ունի և ոչ թե ներգործական»<sup>1</sup>:

Այսպիսի դեպքերում արդեն դերբայական դարձվածի կազմում կարող է հանդես գալ նաև դարձվածի կողմնակի ենթական՝ դերբայի գործողության կատարողը (իմ գործած, իր սիրած, մաքրու գրած):

Այսպիսով, հանցանք գործած երեխա, ներկայացում տեսած մարդ և այլ այսպիսի բառակապակցություններում գործած, տեսած դերբայներն արտահայտում են ներգործական սեռի իմաստ, իսկ տեսած ներկայացում, գործած հանցանք և այլ այս տիպի բառակապակցություններում այդ նույն դերբայներն լսողանց «վ» բայածանցի արտահայտում են կրավորական սեռի իմաստ: Այս վերջին դեպքում հնարավոր են նաև «վ»-ով ձևերը:

Հետաքրքիր է, որ ներգործական բայերից կազմված («վ» շունեցող), բայց կրավորական սեռի իմաստով հանդես եկող հարակատար դերբայի մոտ գործողության բացակա կատարողի գաղափարն ավելի զգալի է, քան կրավորական բայերից կազմվածների («վ» ունեցողների) մոտ: Ներկյառ կտոր, ջարդած աթու, տաբածած լուր, սկսած գործ, ֆանդած տուն և այլ այս տիպի կապակցություններում ներկյառ, տաբածած, սկսած, ֆանդած, ջարդած դերբայների համար անպայման ենթադրվում է գործողության որևէ կատարող (որևէ մեկի կողմից ներկած, տաբածած, սկսած և այլն): Իսկ եթե ասենք՝ ներկյառ կտոր, տաբածված լուր, սկսված գործ, ֆանդված տուն, ջարդված աթու, ապա ներկված, տաբածված, սկսված, ֆանդված, ջարդված դերբայների համար գործողության որևէ կատարող կարող է ենթադրվել, բայց ոչ անպայմանորեն. գործողության կատարողի գաղափարն այստեղ շատ ավելի թույլ է զգացվում: Հետևաբար, երբ ներգործական և կրավորական բայերից կազմված հարակատար դերբայները հանդես են գալիս որպես որոշիչ իրենց գործողության օբյեկտի համար և երբ նրանց գործողության կատարողը դրսևորված չէ, առաջինների մոտ՝ առանց «վ»-ի ձևերում կրավորական սեռի իմաստն ավելի ուժեղ է, քան երկրորդների մոտ, «վ» ունեցող ձևերում:

Պետք է նշել նաև, որ կրավորական «վ» ածանց ունենալու դեպքում որոշ բայերի մոտ հարակատար դերբայի գործողության կատարողի գաղափարը ունենում է ընդհանրական, ոչ կոնկրետ բնույթ: Այսպես, օրինակ, երբ ասում ենք սիրված հեռու, մոռացված գիրք, հարգված մարդ, արհամարհված սովորություն և այլն, ապա ըմբռնում ենք ընդհանրապես, բոլորի կողմից հարգված, մոռացված և այլն: Բայց երբ ասում ենք սիրած հեռու, մոռացած գիրք և այլն,

<sup>1</sup> Պրոֆ. Գ. Սևակ, Ժամանակակից հայոց լեզվի դասընթաց, 1955, էջ 299:

հասկանում ենք որևէ մեկի սիրած, մոռացած, թեև պարզ չէ, թե հատկապես ում:

Այդ պատճառով էլ ներգործական բայերից կազմված հարակատար դերբայը միայն այն դեպքերում կարող է կրավորակերպ «վ» ածանց ընդունել (առանց նախադասության մտքին վնասելու), երբ նրա բացակա գործողության կատարողը անուշադրության է մատնված: «Մարկոսը նստել է իրենց տանիքի վրա դարսած ցախի վրա...» (ՂԱԵ, հ. 2-րդ, էջ 252): «Նա ձեռքին ունելու հասարակ փայտից շինած մի երկար քանոն...» (ՄԱ, էջ 156): Կարելի է ասել՝ տանիքի վրա դարսված ցախի վրա կամ՝ հասարակ փայտից շինված քանոն:

Իսկ եթե կողմնակի ենթական կոնկրետ կերպով զգալի է կամ նախադասության մտքից պարզ է նրա ով կամ ինչ լինելը, ապա բոլորովին հնարավոր չէ դերբայը կրավորաձև դարձնել: «Այդ շուայ սեղանները, անքուն գիշերները, ըմպելիքների սուր հոտը, բացի բոպեական թմրությունից, պարզեցի՞ն նրա հոգուն որոնած անդորրությունը» (ՇՔ, էջ 319): «Այդ վաղուց շլսած բառն ալնպիսի շերմությունը ցրեց նրա սիրտը, անսպասելի այնպես քնքշացրեց» (ԱՍՔ, էջ 20):

Այստեղ որոնած, շլսած դերբայների կողմնակի ենթակաների ով լինելը նախադասության մտքից արդեն պարզ է (իր որոնած անդորրությունը, իր շլսած բառը), ուստի և այդ դերբայները կրավորաձև «վ» ածանց ընդունելու չեն կարող. ածանցն ավելացնելու դեպքում դուրս կգա, որ խոսքը ոչ թե նրա որոնած անդորրության մասին է, այլ ընդհանրապես որոնված կամ՝ այդ բառը ոչ թե նա չէր վաղուց լսել, այլ ընդհանրապես վաղուց չէր լսվել:

Եթե ներգործական կամ ավելի ճիշտ ներգործաձև հարակատար դերբայը որոշի պաշտոն կատարելիս կարող է արտահայտել կամ ներգործական, կամ կրավորական իմաստ, ապա կրավորաձև հարակատար դերբայը կարող է արտահայտել կամ կրավորական, կամ շեղոք իմաստ:

Կրավորական բայերից կազմված հարակատար դերբայ որոշիչը կրավորական սեռի իմաստ է ունենում այն դեպքերում, երբ նրա որոշյալը դերբայի գործողության օբյեկտն է: «Մարդուց խայրված վիրավոր հոգիս» (ԱԻԵ, էջ 109): «Ես մի շարագործ եմ, աստծուց և մարդկանցից անիծված...» (ՄԳՄ, էջ 293): «Ամեն տեղ անգուր ճիշտ զոհեր՝ շար մարդկությունից ճնշված, հալածված» (ԱՄԸԲ, էջ 27): «Որպես փոքրիկից հալածված թռչնակ, որ կուչ է գալիս դալար թփերում» (ԱՄԸԲ, էջ 73):

Վերևի օրինակներում բոլոր դերբայներն ունեն իրենց ներգործող խնդիրները, բայց դա չի նշանակում, թե առանց ներգործող խնդրի կրավորական հարակատար դերբայը չի կարող կրավորական սեռի իմաստ արտահայտել: Կրավորական հարակատար դերբայը առանց ներգործող խնդրի էլ կարող է կրավորական սեռի իմաստ ունենալ, եթե նրա որոշյալն ըմբռնվում է որպես նրա գործողության օբյեկտ, ինչպես՝ «Բնական և խորին թախծությամբ արտասանված պարզ բողոքը սթափեցրեց մոլորված կնոջը» (ՇԵԼԺ, հ. 2-րդ, էջ 113): «Թարեֆին դրված լամպի կոտրված ապակին արդեն բոլորովին սևացել էր...» (ՆԴԵԼԺ, հ. 7-րդ, էջ 36): Այստեղ բողոք և լամպ որոշյալներն ըմբռնվում են որպես արտասանված և դրված դերբայների գործողության օբյեկտներ, քանի որ գործողության կատարողների գաղափարը, իմաստը այստեղ զգալի է (ինչ որ մեկի կողմից արտասանված, ինչ որ մեկի կողմից դրված): Բայց բանն այն է, որ ներգործող խնդրի բացակայությամբ գործողության կատարողի գաղա-

փարը սովորաբար թուլանում է, որի հետևանքով էլ դերբայի օբյեկտը կարող է ըմբռնվել որպես սուբյեկտ կամ ձեռք բերել սուբյեկտի բնույթ, այսինքն՝ ներգործող խնդրի բացակայությամբ կրավորածև հարակատար դերբայը կարող է ըմբռնվել շեզոք իմաստով, այսպես, օրինակ. «Հագին մի հնամաշ շրջագեստ կար, ծնկներն ու կուրծքը նղնղված...» (ԱՍԾ, էջ 248): Ճղնղված դերբայի գործողության կատարողն այստեղ իրեն զգացնել չի տալիս, որի պատճառով էլ դերբայի որոշյալը (շրջագեստ) ըմբռնվում է որպես դերբայի գործողության կատարող, իսկ դերբայն էլ ըմբռնվում է շեզոք իմաստով: Բայց պետք է նշել, որ կրավորական բայերից կազմված հարակատար դերբայը մաքուր շեզոք սեռի իմաստ ունենում է միայն այն դեպքերում, երբ ներգործող խնդիրը ոչ միայն չի զգացվում, այլև բացի որոշյալից գործողության այլ կատարող չի ենթադրվում, օրինակ՝ «Լայն երկնքի տակ փոխված գյուղեր, անդորու ու հանգիստ» (ԵԶԸԵ, էջ 27): «Մայր էր մտնում իրիկնային արևը՝ թե՛ լույսով փառված» (ԵԶԸԵ, էջ 18): «...և բռնեց զողողջ մատներով վարդենու նոր բացված կարմիր կանաչ կոկոնը և մրմնջաց յուրովի...» (ԱԻԵ, էջ 281): Ընդգծված դերբայական դարձվածների դերբայներն ունեն շեզոք սեռի իմաստ, որովհետև փոխվելու, փառվելու, բացվելու գործողությունների համար, բացի նրանց որոշյալներից (գյուղեր, արևը, կոկոնը), գործողության այլ կատարողներ չեն ենթադրվում (գյուղերն իրենք են փոխվել, արևն ինքն է փառվել, կոկոնն իրեն-իրեն է բացվել):

Չեզոք սեռի հարակատար դերբայը գրեթե միշտ հանդես է գալիս միայն շեզոք իմաստով:

Չեզոք սեռի հարակատար դերբայ որոշչի որոշյալը համարյա միշտ լինում է դերբայով արտահայտված գործողության կատարողը, որի հետևանքով և, այդպիսի դեպքերում, դարձվածը կողմնակի ենթակա չի ունենում: «Ու այն է ուզում էր մտըր կանգնած հրամանատարներից մեկին հանձնարարել՝ նոր հետախույզներ ուղարկել, երբ քայլերի ձայն առավ ներքևից» (ՍԶՊԹ, էջ 131): «Գնա՛նք, կթրջվենք, — լսեց մտքի մեջ ընկած Միքայելը» (ՎԽՄՄՂ, էջ 285):

Սակայն անհրաժեշտ է նշել, որ շեզոք սեռի հարակատար դերբայը երբեմն կարող է որպես որոշիչ հանդես գալ այնպիսի որոշյալի համար, որը այդ դերբայի գործողության ոչ կատարողն է և ոչ էլ, բնականաբար, անմիջական օբյեկտը (դերբայը շեզոք սեռի է): Այսպիսի դեպքերում շեզոք սեռի հարակատար դերբայի գործողության կատարողը կամ հանդես է գալիս դերբայական դարձվածի կազմում որպես կողմնակի ենթակա, կամ էլ պարզապես չի դրսևորվում:

«Բայց մի օր զղջումի կսկիծով

Թե դառնաս քո անցած ճամփեքով... (ՎՏԾԺ, հ. 1-ին,

էջ 409):

«Պառկած տեղից վրա նստեց ու ժպտալով հետը խոսեց» (ՀԹԸԵ, էջ 248):

«Հետո կանգնած տեղից՝ դռան առջևից նայում է սենյակի անկյունները...» (ՍԶՄԿՊ, էջ 364):

Ընդգծված որոշյալները (ճամբեր, տեղ) քերականորեն պառկած, կանգնած, անցած դերբայներով արտահայտված գործողությունների անմիջական օբյեկտը չեն հանդիսանում, քանի որ նրանք շեզոք սեռի են և իրենց գործողության համար անմիջական օբյեկտ չեն պահանջում (հնարավոր չէ ասել կանգնեցված, պառկված տեղ, անցված ճամփա): Բայց իրականում տեղ, ճամփեք օրոշյալները կարծես թե ներգործվում են կանգնելու, պառկելու, անցնելու

(նստելու և այլ) գործողություններից և թերևս այդ է պատճառը, որ հնարավոր է դարձնում նրանց հարակատար դերբայ որոշիչ ստանալը:

Հարակատար դերբայը կամ նրանով կազմված դերբայական դարձվածը որոշիչ դեր կատարելիս սովորաբար դրվում է իր որոշյալից առաջ, բայց կարող է և ետադաս լինել: Ետադաս կարող է լինել և ածական որոշիչը (ինչպես և ամեն մի որոշիչ), բայց բանն այն է, որ հարակատար դերբայ որոշիչը ետադաս լինելու դեպքում ձեռք է բերում իմաստային նոր երանգ. ետադաս լինելիս նա կարող է ըմբռնվել նաև որպես ձևի պարագա: Այսպիսի ձևի պարագան ցույց է տալիս այն վիճակը, որի մեջ գտնվում է ենթական գործողության կատարման ժամանակ: «Տանտիկինը, մինչև ակնջակոթերը կաւմբած, աշխատում էր մի կերպ եղածն ուղղի» (ՀԹԸԵ, էջ 118): «Սայլերին առաջնորդում էր մի ձիավոր, գտակը ծուռը դրած, մտրակը ծնկան վրա հենած, հանդարտ երգելով» (ՇԵԼԺ, հ. 2-րդ, էջ 529):

Ընդգծված դերբայական դարձվածները կարելի է ըմբռնել և՛ որպես որոշիչ (իսկ առաջադաս լինելու դեպքում անպայման որոշիչ), և՛ որպես ձևի պարագա:

Առաջադաս հարակատար դերբայ (կամ նրանով կազմված դերբայական դարձված) որոշիչը նույնպես կարող է ըմբռնվել որպես ենթականի վիճակը ցույց տվող ձևի պարագա, երբ նրանից բաժանվում է ստորակետով կամ բութով: «Այս տանջալից մտորումներով փոքրկված, կոլխոզի նախագահը վերադառնում էր հանդից...» (ՆՁԷ, էջ 115): «Երեխեն դոշիցը կապած՝ լուսիկը գնում է լալով» (ՀԹԸԵ, էջ 12):

Պրոֆ. Աբեղյանի կարծիքով ենթականի կամ խնդրի վիճակ ցույց տվող այդ թվացող ձևի պարագան իրականում ստորոգելիական վերադիր է<sup>2</sup>:

## 2. Հարակատար դերբայով կազմված դարձվածը որպես ձևի պարագա

Հարակատար դերբայը կամ նրանով կազմված դարձվածը նախադասություն մեջ հաճախ հանդես է գալիս որպես ձևի պարագա: Հարակատար դերբայը ձևի պարագայի պաշտոն կատարելիս ցույց է տալիս ստորոգյալի գործողության կատարման ձևը արդեն կատարված, բայց մնայուն հետևանք թողած գործողությամբ: Անկախ այն բանից, թե ինչ ժամանակով է արտահայտված ստորոգյալի գործողությունը, և հարակատար դերբայով արտահայտված գործողությունը նրան նախորդում է, թե ոչ—ձևի պարագայի պաշտոն կատարելիս հարակատարով դրսևորվող գործողության հարատևող հետևանքը ուղեկցում է, ընթացակից է լինում գլխավոր գործողությանը: «Մի քանի վայրկյան իշխանը աչքերը լայն բաց արած նայում էր Ռուբենի երեսին» (ՇԵԼԺ, հ. 2-րդ, էջ 583): «Մայրը անկողնու մեջ նստած հագավ շրջազգեստը...» (ԱՍԾ, էջ 6): «Աննան ամոթխած ժպտաց» (ՍՁՍԲ, էջ 7): «Ու ձեռքիցս բռնած ներս տարավ հիվանդ աշակերտիս սենյակը» (ՆԴԵԺ, հ. 2-րդ, էջ 583):

Հարակատար դերբայն ընդհանրապես վիճակ ցույց տալու կարողություն ունի, և, ինչ պաշտոնով էլ հանդես գալու լինի, այդ իմաստային երանգը նրա մեջ պահպանվում է, իսկ որոշ պայմանների առկայությամբ կարող է ավելի

<sup>2</sup> Տե՛ս պրոֆ. Մ. Աբեղյան. Աշխարհարար շարահյուսություն, 1912, էջ 56:

ցայտուն կերպով դրսևորվել: Ձևի պարագա հարակատար դերբայի արտահայտած վիճակի իմաստն ավելի ցայտուն է դառնում և ընդգծվում, երբ նա, մանավանդ ստորոգյալից առաջադաս լինելու դեպքում, բաժանվում է նրանից ստորակետով կամ ավելի հաճախակի՝ բուլթով (այսինքն արտասանական դադարով), ինչպես՝ «Դեռևս ապուշ կտրած՝ նայում էի նրան» (ՆԴԵԺ, հ. 2-րդ, էջ 588): «Մեկը խոտի հսկայական շալակի տակ կուացած՝ շարժվում էր դեպի լեռներ» (ՆՁՀ, էջ 126): «Մաղաքյանը տեղից վեր թռավ ու բռունցքը բարձրացրած՝ վազեց դեպի Մեջլումյանը» (ԱԸԵ, էջ 133):

Ընդգծված դերբայական դարձվածներով ավելի շուտ արտահայտվում է այն վիճակը, որի մեջ գտնվում է ենթական գործողությունը կատարելիս, քան թե այդ գործողության կատարման կոնկրետ ձևը: Ենթակայի վիճակ ցույց տվող դերբայական դարձվածը կարող է ըմբռնվել որպես ստորոգյալի լրացում՝ ձևի պարագա, քանի որ նա հենց ստորոգյալի գործողության կատարողի՝ ենթակայի վիճակն է ցույց տալիս (այն վիճակը, որի մեջ գտնվելով ենթական կատարում է գործողությունը, ըմբռնվում է որպես այդ գործողության կատարման ձև): Իսկ երբ դերբայական դարձվածով արտահայտվում է ոչ թե նախադասության ենթակայի, այլ խնդրի վիճակը, ապա այդպիսի դարձվածը ձևի պարագա համարվել չի կարող, չի կարող համարվել նաև ստորոգելիական վերադիր: Մեզ թվում է, որ այդպիսի դարձվածները պիտի համարել առանձին կատեգորիա: «Ու միշտ տեսնում էի աղջկանս աբեր գրկած, իր մազերը նրա վրա փռած...» (ԱԸԵ, էջ 4): «...երբ դուրս է եկել եզներին նայելու, գտել է ինձ պապիս լուսամուտի տակ ընկած, և իմ կողքին նստած է եղել մեր Թորլանը...» (ՍՁՄԿՊ, էջ 166): «Եվ երբ հեռվից ետ նայեցի, տեսա թշվառ ծերունուն միշտ նույն դիրքի մեջ, նստած իր ավերված աբերի կողքին, գլուխը ձեռքերին և ալեզարդ մազերը տեղացող անձրևի տակ...» (ՎՓԸԵ, էջ 350): «Չեմ թողնի նրան հավիտյան լվված, նա ինձ ապավեն կանգնեց նեղ օրում» (ՀԹԵԺ, հ. 1-ին, էջ 143):

Այս նախադասությունների մեջ ընդգծված դարձվածները թեև պատասխանում են «ինչպե՞ս» հարցին, բայց ստորոգյալի ձևի պարագա համարվել չեն կարող, քանի որ այդ «ինչպե՞սը» վերաբերում է ոչ թե ստորոգյալի գործողության կատարման ձևին, կերպին կամ գոնե ենթակայի վիճակին՝ այդ գործողության կատարման ժամանակ, այլ՝ խնդրի վիճակին. ոչ թե ինչպե՞ս տեսավ կամ գտավ, այլ տեսավ, գտավ (որևէ մեկին կամ մի բան) ինչպե՞ս, ի՞նչ վիճակում: Վիճակ ցույց տվող այսպիսի լրացում կարող է ընդունել միայն ուղիղ խնդիրը:

Հարակատարով կազմված դարձվածը ձևի պարագայի պաշտոն կատարելիս ընդհանրապես կողմնակի ենթակա չի ունենում. դերբայի գործողության կատարողը այսպիսի դեպքերում լինում է նույն ինքը՝ նախադասության ենթական:

Խնդրի վիճակ ցույց տվող հարակատար դերբայով կազմված դարձվածը նույնպես կողմնակի ենթակա ունենալ չի կարող, բայց դերբայով արտահայտված գործողության կատարողն այստեղ ոչ թե նախադասության ենթական է, այլ հենց ուղիղ խնդիրը, որը բնականաբար չի կարող մտնել իր լրացումը հանդիսացող դերբայական դարձվածի մեջ: Ուղիղ խնդրի վիճակ ցույց տվող դերբայական դարձվածը սովորաբար դրվում է այդ խնդրից հետո:

### 3. Հարակատարով կազմված դարձվածք ուրպես ժամանակի պարագա

Հարակատար դերբայով կազմված դարձվածք (երբեմն էլ միայն հարակատար դերբայը) կարող է նախադասության մեջ կատարել ժամանակի պարագայի պաշտոն՝ ցույց տալով ստորոգյալով արտահայտվող գործողության կատարման ժամանակը՝ նրան նախորդող, ընթացակից և ետնորդող գործողությունների միջոցով:

ա) Նախորդող գործողությամբ՝ հարակատար դերբայով կազմված դարձվածք ցույց է տալիս, որ ստորոգյալի գործողությունը կատարվել է, կատարվում է, կատարվելու է դերբայով արտահայտված գործողության ավարտումից հետո: «Քառորդ ժամ անցած՝ նա դուրս եկավ սաստիկ մտատանջության մեջ» (Շեկժ, հ. 2-րդ, էջ 224): «Եվ այն ժամանակ ահա, երբ խստաբարո հաղեպետը և նրա վարդապետները երեկոյան պաշտամունքը կատարած դուրս էին գալիս դահլիճից, նրանց զարմացրեց հրապարակի աղմուկը...» (ՍԶՊԹ, էջ 260):

Այսպիսի դեպքերում հարակատար դերբայը կարող է փոխարինվել անորոշ դերբայի բացառական հոլովով ու հետո կապով՝ երեկոյան պաշտամունքը կատարելուց հետո, քառորդ ժամ անցնելուց հետո և այլն: Սրանցից յուրաքանչյուրը ունի, իհարկե, միայն իրեն հատուկ իմաստային երանգ, որ մյուսը չի կարող արտահայտել:

բ) Ընթացակից գործողությամբ՝ հարակատար դերբայով կազմված դարձվածք ցույց է տալիս, որ գլխավոր գործողությունը կատարվել է, կատարվում է կամ կատարվելու է դերբայով արտահայտվող գործողության հարատևող հետևանքին (և ոչ թե դերբայի բուն գործողությանն) ընթացակից:

«Երբ ոսոխի հանդիպած պիտի կռվես ակամա» (ԵԶԸԵ, էջ 152): «Հայր ունեի ծովում կորավ, որսի էլած մութ գիշեր» (ԱՄԸԲ, էջ 85): «...հոսում են շատ սակավ, թվում է միայն ծայրահեղ անհրաժեշտությունից ստիպված» (ՍԶՄԿՊ, էջ 286):

Պետք է նշել, որ այսպիսի դերբայական դարձվածքներն ունեն պատճառայնության երանգ, կարող են ըմբռնվել նաև որպես պատճառի պարագա:

Գլխավոր գործողության կատարման ժամանակը նրան ընթացակից գործողությամբ ցույց տվող ժամանակի պարագան կարող է արտահայտվել նաև հարակատար դերբայի հաստատական և ժխտական ձևերի համադրումով, ինչպես՝ «Իրինձը լվացած, շվացած, հեռվից երևում է մի ձիավոր» (Շեկժ, հ. 3-րդ, էջ 444): Այդպիսի ժամանակի պարագան ցույց է տալիս, որ գլխավոր գործողությունը կատարվում է հարակատարով դրսևորվող գործողության կատարսան ժամանակ (և ոչ թե նրա հարատևող հետևանքի տևողության ընթացքում):

գ) Ետնորդող գործողությամբ՝ հարակատար դերբայով կազմված ժամանակի պարագա դարձվածք ցույց է տալիս, որ գլխավոր գործողությունը կատարվել է, կատարվում է կամ կատարվելու է նախքան դերբայով արտահայտած գործողության կատարումը: Այսպիսի դեպքերում հարակատար դերբայը դրսևորվում է ժխտական ձևով: «Լույսը չծագած, ես այստեղ եմ,—ասաց Աննան» (ՆԴԶ, էջ 68): «Դեռ գյուղ չմտած երևաց բրուտ Մանասարի աղջիկը, որը մի կապոց ձեռքին իջնում էր ձորը» (ՍԽԶ, էջ 200):



4. Հարակատար դերբայով կազմված դարձվածը որպես պատճառի պարագա

Հարակատարով կազմված դարձվածը նախադասության մեջ հանդես է դալիս նաև պատճառի պարագայի պաշտոնով, օրինակ՝ «Սովետական իշխանության մոտալուտ վախճանից հույսը կտրած, նա այժմ գերադասում էր կոմունիստների հետ խնամիական կապեր հաստատել» (ՆՁԷ, էջ 179): «Հաղթահարված խորին ֆնից՝ պապանձվեցին ամեն տեղ» (ՀԹԾԺ, հ. 1-ին, էջ 121):

Երբեմն պատճառի պարագա հարակատար դերբայը վիճակային ուժեղ երանգով է դրսևորվում: Այսպիսի դեպքերում գլխավոր գործողության կատարման բուն պատճառը կարծես թե այլ է, կարծես թե գլխավոր գործողությունը կկատարվեր առանց հարակատարով արտահայտվող պատճառի էլ, օրինակ՝ «...քանի որ ամենից հեռացած, շուներ ոչ ոքի հետ սրտակից հարաբերություն, բառիս ընդարձակ նշանակությամբ» (ՇԾԼԺ, հ. 1-ին, էջ 446): «Առավոտվա վեհությամբ թովված՝ զգաց հանկարծ իրեն այնքան թեթև...» (ԵԶԸԵ, էջ 249): «Եվ լուսաբացին, երբ հոգնած լինեք, երբ քնած լինեք թշնամուց խարված...» (ՎՏԾԺ, էջ 207):

Ընդգծված դերբայական դարձվածներում պատճառն ու վիճակը հանդես են դալիս միահյուսված և հարակատար դերբայով արտահայտվող վիճակը (ենթակայի վիճակը) կարող է ըմբռնվել որպես գլխավոր գործողության կատարման պատճառ, թեև այդ դարձվածներին ավելի մեծ վստահությամբ կարելի է ավելացնել վիճակում բառը (առավոտվա վեհությամբ թովված վիճակում), քան թե լինելու պատճառով (առավոտվա վեհությամբ թովված լինելու պատճառով):

5. Հարակատարով կազմված դարձվածը որպես հակառակ հիմունքի պարագա

Հարակատար դերբայով կազմված դարձվածը, առանց որևէ կապի կամ կապական բառի խնդիր լինելու, ազատ կերպով կարող է հանդես գալ որպես հակառակ հիմունքի պարագա (մինչդեռ որպես հիմունքի պարագա մեծ մասամբ հանդես է գալիս որևէ կապի կամ կապական բառի հետ՝ ըստ, համաձայն և այլն):

Հարակատար դերբայի էությանը հատուկ գործողության հարատևող հետևանքի առկայության շնորհիվ այստեղ ևս, դերբայական դարձվածի հիմնական իմաստին զուգընթաց, արտահայտվում է նաև վիճակի հասկացություն:

Հակառակ հիմունքի պարագայի պաշտոն կատարող դերբայական դարձվածը նախադասության մյուս անդամներից սովորաբար անջատվում է բովով կամ ստորակետով:

«Ուրիշին գրկած՝ ես քեզ եմ զգում...» (ԱԻԾԺ, հ. 2-րդ, էջ 112): «Հավետ ֆեզ կապված՝ քեզ օտար եմ ես» (ՎՏԾԺ, հ. 1-ին, էջ 13): «Շատ անգամ, հոգով հիացած երգչի երգով, նա ամաչում է յուր հիացումը արտահայտել, կարող են անճաշակ համարել» (ՇԾԼԺ, հ. 4-րդ, էջ 428):

## 6. Հարակատարով կազմված դարձվածք որպես ենթակա, խնդիր և այլն (դարձվածի գոյականական գործածությունը)

Հարակատար դերբայը ենթակայի, խնդիրների, հատկացուցչի, բացահայտչի պաշտոններ կատարելիս վերցվում է գոյականաբար, առարկայաբար և հանդես է գալիս որոշակի հոլովներով: Հարակատար դերբայով արտահայտվող գործողության հարատևող հետևանքը, որ նրան հնարավորություն էր տալիս հանդես գալ որպես առարկայի հատկանիշ ցույց տվող (որոշիչ), այստեղ էլ հնարավորություն է տալիս՝ հոլովվելով իր մեջ ներառնել նաև իր որոշյալի առարկայական իմաստը և հանդես գալ հատկանշի ու առարկայի միացյալ իմաստով:

Ենթակայի պաշտոն կատարող հարակատար դերբայը կարող է արտահայտել թե՛ իր և թե՛ անձ, կարող է կազմվել թե՛ ներգործական, թե՛ կրավորական և թե՛ շեղոք բայերից, ինչպես՝ «Պատշգամբում տեսածդ քեզ դուր չեկավ երևի» (ՍԶՄԿՊ, էջ 371): «Ես ինքս չեմ հասկանում, — շարունակեց նա, թե ի՞նչ երեսով ասածուց պատմվածք ուզում էր մարդկանց շարքն ընկնել» (ՇԵԼԺ, հ. 2-րդ, էջ 574): «Կողմի նստածները Քնարիկին օգնելու նպատակով սկսեցին քաշքշել Արաքսի ուտերը, թևերը» (ԱՍԱ, էջ 355): Հարակատար դերբայը ենթակայի պաշտոն կատարելիս միշտ հանդես է գալիս որոշիչ հոդով:

Հանդես գալով որպես ուղիղ խնդիր՝ հարակատար դերբայն ունենում է իրի կամ անձի առում, բայց, դարձյալ, միշտ որոշյալ հոդով: «Լեհացին հերքում էր նրա ասածները» (ՇԵԼԺ, հ. 2-րդ, էջ 450): «Բայց նկատելով դուռն մեջ կանգնածին, լռեց ու արագ հեռացավ սենյակից» (ՎԽՄՄԷ, էջ 58):

Հարակատար դերբայը անորոշ առումով ևս կարող է խնդրի պաշտոն կատարել, բայց դա անհարթ է հնչում, այսպես, օրինակ՝ «...նա հոժարություն բերելով էր ամեն ուզած, որ չէին արգելում...» (ՊՊԶԽ, էջ 76):

Հարակատարով կազմված դարձվածք (կամ միայն հարակատար դերբայը) նախադասության մեջ կատարում է նաև անուղղակի խնդիրների պաշտոններ, օրինակ՝ «Փորձով գիտեմ, որ եթե հակառակ ես գնում սրտիդ ուզածին, ինչքան զղջում ու ափսոսում ես հետո...» (ՍԶՍՔ, էջ 112): «Ան գրողի էն տարածին ո՞վ է տվել սրած կացին» (ՀԹԵԺ, հ. 1, էջ 241): «Նա անվերջ գրում էր, ջնջում և գրածով երբեք չէր գոհանում» (ՍԶՍՔ, էջ 63): «Բայց աչքերը հոգնել էին. իսկ միտքը ոչինչ չէր ըմբռնում կարդացածից» (ՇՔ, էջ 166): «Ամեն անգամ քո տվածից երբ մի բան ես դու տանում...» (ՀԹԸԵ, էջ 79):

Հարակատար դերբայը կամ նրանով կազմված դարձվածք բացի որոշիչ հանդես է գալիս նաև ենթակայի մյուս լրացումների՝ հատկացուցչի և բացահայտչի պաշտոններով, թեև, իհարկե, շատ ավելի հազվադեպ: Հարակատար դերբայ հատկացուցիչը գոյական, դերանուն հատկացուցիչներից տարբերվում է նրանով, որ ցույց է տալիս ոչ միայն այն առարկան, որին որևէ բան պատկանում է, այլև այդ առարկայի ինչպիսի դրության մեջ լինելը, ինչպես՝ «Զիբեր խրտնեցին, աջակողմինը փոքր էր մնում. որ ոտքը դնի գետնի վրա տարածվածի կրծքին» (ՇԵԼԺ, հ. 2-րդ, էջ 132): «Հարստանալիս ու ընկերվածի անգոր կատաղության հետ...» (ՇՔ, էջ 96):

Հանդես գալով որպես բացահայտիչ, հարակատար դերբայը (կամ նրանով կազմված դարձվածք) ցույց է տալիս նախադասության որևէ անդամի ոչ միայն ով կամ ինչ լինելը, այլև ինչպիսի դրության մեջ լինելը: «Մինչդեռ նա, ոսկե-

նյուս խանձարուրի մեջ սնվածը և շուրֆի ու շոալության մեջ օրոգվածը ոչնչով, ոչնչով պարտական չէր մի աննշան, մի աղքատիկ աղջկա ազատելու կրակի ճիրաններից» (ՇՔ, էջ 376): «Տնեցիք, այսինքն փախստական շղաոսանները, մի զառամյալ էր, սրա կույր թոռը, տասներեք տարեկան և մի հիվանդ, հասակավոր կին» (ԴԴԸՊ, էջ 225):

Գոյականաբար հանդես եկող հարակատար դերբայը կարող է ունենալ կողմնակի ենթակա, երբ դերբայը կազմված է ներգործական բայերից, և ներգործող խնդիր, երբ դերբայը կազմված է կրավորական բայերից, օրինակ՝ «Բա մարդկություն է էդ Զուրաբենց զօր արածը» (ՆՁԶ, էջ 244): «Նա յուր կյանքը վտանգի ենթարկելով առաջ է ընկնում և ավազակներից հալածվածներին պաշտպանում» (ՇԵԼԺ, հ. 2-րդ, էջ 437): «...և աշխատում կարծես մի բան հասկանալ նրա ասածներից» (ՍՁՍՔ, էջ 11): Իսկ շեզոք սեռի հարակատար դերբայը գոյականաբար հանդես գալիս ընդհանրապես կողմնակի ենթակա ունենալ չի կարող, քանի որ դերբայի գործողության կատարողի գաղափարը արտահայտվում է հենց իր՝ դերբայի հոլովված ձևի մեջ. գործողությունն ու նրա կատարողը այստեղ հանդես են գալիս միասնաբար: «Ում ձեռքը որ ընկավ, վա՛յ էդ թվանֆի բերնի դեմ կանգնածին» (ԴԴԸՊ, էջ 250): «Բայց դրանով կգտնվի՞ կորածը» (ՎԽՄՄԶ, էջ 163): Այստեղ կանգնածին, կորածը դերբայներով արտահայտվող գործողությունների կատարողները հենց այդ նույն կանգնողն ու կորչողն են:

Հարակատարով կազմված դարձվածը երբեմն կարող է հանդես գալ նաև կոշականի պաշտոնով: Կոշականի դերում հարակատար դերբայը, թեև առանց հոլովվելու, դարձյալ հանդես է գալիս գոյականաբար: Հարակատարով դրսևվորված գործողությունը հանդես է գալիս այդ գործողությունը որպես հատկանիշ կրող առարկայի, նրա անվաս փոխարեն, ինչպես՝ «Ո՛ւր կորար, Անուշ, ա՛յ մագդ կտրած...» (ՀԹԸԵ, էջ 187):

«Տո՛ւ ձենով Օհան, տո՛ւ մանի տարած,

էս խենթը բերիր, արիր գառնարած» (ՀԹԸԵ, էջ 57):

## 7. Հարակատարով կազմված դարձվածի ստորոգելիական գործածությունը

Հարակատար դերբայը կարող է նաև ինքը մենակ, առանց օժանդակ բայի, նախադասություն կազմել, ստորոգյալի դեր կատարել (առանց ստորոգում ցույց տալու). այսպիսի նախադասություններն արտահայտում են սոսկ վիճակ և օգտագործվում են մեծ մասամբ հուզական դրություն ցույց տալու համար, ինչպես՝ «Մուրն է: Ու ես գլխիկոր էն ավերակ ֆաղաֆի վրա կանգնած ինչպես մի բեկոր...» (ՀԹԵԺ, հ. 1-ին, էջ 15): «— Դու անկողնում պսոկա՞ծ» (ՆԴՁ, էջ 61):

## 8. Հարակատարով կազմված դարձվածը որպես կապի խնդիր

Կապերի և կապական բառերի հետ հարակատար դերբայը (կամ նրանով կազմված դարձվածը) հանդես է գալիս զանազան պարագաների (ձևի, տեղի, չափի, հիմունքի, հակառակ հիմունքի) և անուղղակի խնդիրների (վերաբերություն, բաղդատություն) պաշտոններով, այսպես, օրինակ. «Խորը ֆնից սրափվածի նման արմունկները քաշեց պատշգամբի ճաղերից...» (ՇԵԼԺ, հ. 1-ին, էջ 251): «Հասմիկը խայթվածի յլես վեր ցատկեց» (ՆՁԶ, էջ 415): «Ասում է, որ պարոն Վարդանի սրբագրածի մեջ սխալ է գտել» (ՍՁՄԿՊ, էջ 379): «— Ասում եմ կգա մի օր, երբ մարդը կհաղթի մահին, ասենք գեթ այնքան, որ ապրի

սիրտն ուզածի շափ» (ԱՍՔ, էջ 34): «...և թաղված է այս ծառերի տակ իր սրտի ուզածի համաձայն» (ԱԻԵ, էջ 217): «Սառան, հակառակ սպասածիս, ինձ բնօրինեց բավական սառը կերպով» (ՆԴԵԺ, հ. 2-րդ, էջ 455): «...եկել էր ու հայտնել նրա նախագծի հետ պատահածի մասին...» (ՎԽՄՄԷ, էջ 62): «Միքայելը լուռ լսում էր ու մտածում իր լսածի շուրջը» (ՎԽՄՄԷ, էջ 325): «Բժիշկ Մելիք-Բարսեղյանը շփտեր զարմանալ, ծիծաղել, թե վշտանալ յուր տեսածի վրա» (ՇԵԼԺ, հ. 2-րդ էջ 233): «Նայում է ու համեմատում իր ունեցածի հետ, թե իր ունեցածը որտեղ, էս որտեղ» (ՀԹԸԵ, էջ 144):

Կապի հետ հանդես եկող հարակատար դերբայ ձևի պարագան ստորոգյալի գործողության կատարման ձևը ցույց է տալիս ոչ թե նախադասության ենթակայի (ինչպես սովորաբար՝ քայլում էր ձեռքերն առաջ պարզած), այլ բնօրինակայես որևէ մեկի կողմից կատարված, ավարտված, բայց մնայուն հետևանք թողած գործողությամբ (քայլում էր հարբածի նման):

#### ՀԱՄԱՌՈՏԱԳՐՈՒԹՅՈՒՆՆԵՐԻ ՑԱՆԿ

- ԱԸԵ—Արազի, Ընտիր երկեր, 1948 թ.  
 ԱԻԵ—Ավետիք Իսահակյան, Երկեր, 1955 թ.  
 ԱԻԵԺ—Ավետիք Իսահակյան, Երկերի ժողովածու, 1950 թ.  
 ԱԾԸԲ—Ալեքսանդր Մատուրյան, Ընտիր բանաստեղծություններ, 1937 թ.  
 ԱՍԱ—Անժելա Ստեփանյան, Ամառնամուտ, 1959 թ.  
 ԱՍՔ—Անժելա Ստեփանյան, Քույրեր, 1947 թ.  
 ԱՍԾ—Անահիտ Սահինյան, Ծարավ, 1955 թ.  
 ԴԴԸՊ—Դերենիկ Դեմիրճյան, Ընտիր պատմվածքներ, 1950 թ.  
 ԴԴՎ—Դերենիկ Դեմիրճյան, Վարդանանք, 1954 թ.  
 ԵԶԸԵ—Եղիշե Չարենց, Ընտիր երկեր, 1955 թ.  
 ՀԹԵԺ—Հովհաննես Թումանյան, Երկերի ժողովածու, 1950 թ.  
 ՀԹԸԵ—Հովհաննես Թումանյան, Ընտիր երկեր, 1953 թ. և 1941 թ.  
 ՂԱԵ—Ղազարոս Աղայան, Երկեր, 1939 թ.  
 ՄԱ—Մուրացան, Առաքյալը, 1954 թ.  
 ՄԳՄ—Մուրացան, Գևորգ Մարզպետունի, 1939 թ.  
 ՆԴԵԺ—Նար-Դոս, Երկերի ժողովածու, 1955 թ.  
 ՆԴԵԼԺ—Նար-Դոս, Երկերի լիակատար ժողովածու, 1950 թ.  
 ՆԴԶ—Նար-Դոս, Զազունյան, 1934 թ.  
 ՆԶԱԳ—Նաիրի Չարյան, Արա Գեղեցիկ, 1946 թ.  
 ՆԶԷ—Նաիրի Չարյան, Հացավան, 1955 թ.  
 ՇԵԼԺ—Շիրվանզադե, Երկերի լիակատար ժողովածու, 1950 թ.  
 ՇՔ—Շիրվանզադե, Քառու, 1944 թ.  
 ՊՊՀԵ—Պերճ Պոռչյան, Հացի խնդիր, 1939 թ.  
 ՍԶԸԵ—Ստեփան Չորյան, Ընտիր երկեր, 1940 թ.  
 ՍԶՄԿՊ—Ստեփան Չորյան, Մի կյանքի պատմություն, 1955 թ.  
 ՍԶՊԹ—Ստեփան Չորյան, Պապ թագավոր, 1944 թ.  
 ՍԶՍՔ—Ստեփան Չորյան, Սպիտակ քաղաքը, 1932 թ.  
 ՍԽԷ—Սերո Խանզադյան, Հողը, 1954 թ.  
 ՎԽՄՄԷ—Վիգեն Խեչումյան, Մեզ մոտ հարավում, 1955 թ.  
 ՎՏԵԺ—Վահան Տերյան, Երկերի ժողովածու, 1950 թ.  
 ՎՓԸԵ—Վրթանես Փափազյան, Ընտիր երկեր, 1951 թ.